

## **TERMA DAN SYARAT**

### **1. Penganjur & Kelayakan**

- 1.1 Kempen ini dianjurkan oleh **Perbadanan Kemajuan Negeri Kedah (PKNK)** dirujuk sebagai ("**Penganjur**") dengan kerjasama Payments Network Malaysia Sdn. Bhd. (PayNet).
- 1.2 Kempen ini terbuka kepada:
- 1.2.1 Semua usahawan PKNK atau usahawan SME Negeri Kedah.
  - 1.2.2 Pengguna servis pemindahan wang DuitNow QR.
  - 1.2.3 Peserta mestilah merupakan warganegara Malaysia dan penduduk tetap yang mempunyai dokumen/kad pengenalan diri yang sah semasa Tempoh Kempen.
  - 1.2.4 Peserta mestilah berumur 18 tahun dan ke atas dan mesti mempunyai akaun yang sah dengan mana-mana institusi kewangan di Malaysia.
  - 1.2.5 Penyertaan adalah terhad kepada 1,000 usahawan sahaja.
- 1.3 Individu-individu yang tersenarai di bawah adalah tidak layak menyertai Kempen ini:
- 1.4 Warga kerja PKNK serta ahli keluarga mereka yang terdekat (anak-anak, ibu bapa, adik-beradik, termasuk suami/isteri).
- 1.5 Warga kerja anak syarikat atau yang berkaitan dengannya serta ahli keluarga mereka yang terdekat (anak-anak, ibu bapa, adik-beradik, termasuk suami/isteri).

### **2. Tempoh Kempen & Kriteria Kelayakan Pemenang**

- 2.1 Kempen ini berlangsung dari **1 Oktober 2024** jam 12:00 pagi sehingga **31 Disember 2024** jam 11:59 malam (Waktu Malaysia) ("**Tempoh Kempen**").
- 2.2 Peserta mestilah mempunyai DuitNow QR perniagaan dan menggalakkan penggunaan tanpa tunai dalam transaksi perniagaan, akan layak mendapat **SATU (1)** penyertaan dalam satu **Kempen**.
- 2.3 Pemenang dipilih berdasarkan bilangan kekerapan transaksi tertinggi.
- 2.4 Pemenang akan diumumkan mengikut kategori yang ditentukan oleh pihak Penganjur.
- 2.5 Peserta dikehendaki menghantar penyertaan beserta gambar DuitNow QR dalam Tempoh Kempen melalui mana-mana kaedah yang dinyatakan di dalam Terma dan Syarat seperti di bawah (rujuk kepada '*Cara Penyertaan*').

2.6 Sebarang penyertaan yang diterima di luar Tempoh Kempen akan ditolak dan dianggap tidak sah.

2.7 Keputusan pemenang adalah muktamad dan sebarang bantahan tidak akan dilayan.

### 3. Hadiah

3.1 **Hadiah Utama: 2** biji motosikal, **2** buah iPhone 16 beserta **1** buah tablet.

3.2 **Hadiah Saguhati: 100 x** baucar hadiah percutian bernilai RM500 setiap satu.

3.2.1 Sejumlah 60 hadiah barangan elektrik untuk dimenangi.

3.2.2 Imej hadiah yang ditunjukkan dalam mana-mana bahan promosi, iklan, penerbitan/laman web dan bahan lain yang berkaitan dengan Kempen ini adalah untuk tujuan ilustrasi sahaja dan mungkin tidak menggambarkan hadiah sebenar.

3.2.3 Pihak Penganjur berhak untuk menukar atau melanjutkan Tempoh Kempen mengikut budi bicara mutlakunya tanpa sebarang notis.

### 4. Cara Penyertaan

4.1 Peserta perlu menghantar penyertaan mereka melalui ejen sah yang dilantik ATAU *scan* kod QR penyertaan. Setiap penyertaan yang lengkap hendaklah mengandungi maklumat yang berikut:

4.1.1 Peserta perlu melengkapkan butiran penyertaan (terma privasi dan maklumat Peserta).

- a) Nama Penuh
- b) Nombor Telefon
- c) Kategori Perniagaan
- d) Lokasi Perniagaan
- e) Gambar QR DuitNow

4.1.2 Dengan menghantar penyertaan melalui pautan yang diberikan, Peserta adalah dianggap telah membaca dan bersetuju dengan terma privasi yang dinyatakan di dalam Terma dan Syarat di sini.

4.2 Sebarang penyertaan yang tidak lengkap akan dibatalkan penyertaan dalam Kempen ini mengikut budi bicara pihak Penganjur.

4.3 Setiap Peserta (jika dipilih sebagai Pemenang) hanya **layak memenangi SATU (1) hadiah sahaja bagi setiap kategori sepanjang Tempoh Kempen.**

## 5. Pemilihan Pemenang

5.1 Pemenang akan dipilih berdasarkan proses berikut ("**Pemenang**"):

5.1.1 Setelah tamat Tempoh Kempen, Peserta akan disenarai pendek oleh sistem pemilihan automatik berdasarkan jumlah kekerapan transaksi tanpa tunai yang tertinggi dan sah sepanjang Tempoh Kempen.

5.1.2 Selepas tamat Tempoh Kempen, Pemenang terpilih akan dihubungi oleh pihak Penganjur dan jika Pemenang terpilih tidak dapat dihubungi selepas tiga (3) percubaan selama dua (2) hari berturut-turut (dalam waktu kerja, Ahad-Khamis), pihak Penganjur mempunyai hak untuk membatalkan kelayakan Pemenang terpilih dan akan memilih Pemenang baharu yang layak berdasarkan budi bicara mutlak pihak Penganjur.

5.2 Pihak Penganjur akan menghubungi Pemenang melalui maklumat yang diberikan semasa proses penghantaran penyertaan.

5.3 Pemenang dikehendaki mengemukakan bukti pengenalan (kad pengenalan Malaysia atau dokumen diri yang sah) semasa atau sebelum proses penebusan hadiah untuk tujuan pengesahan Pemenang. Bukti QR DuitNow yang tidak boleh dibaca akan dibatalkan untuk Kempen ini.

## 6. Penebusan Hadiah

6.1 Semua pemenang akan dijemput untuk menerima hadiah dalam majlis penutup Kempen pada tarikh yang ditentukan oleh pihak Penganjur selepas dihubungi pihak Penganjur. **Pemenang wajib hadir untuk menerima hadiah dan wakil adalah tidak dibenarkan. Hadiah akan dibatalkan kepada Pemenang yang tidak hadir pada majlis penutup.**

6.2 Hadiah baucar barangan elektrik perlu ditebus oleh Pemenang dalam **tempoh SATU (1) minggu dari tarikh majlis penutup**. Pihak Penganjur tidak akan melayan sebarang tuntutan selepas tamat tempoh tersebut.

6.3 Hadiah tidak boleh ditukar dengan wang tunai. Pihak penganjur mempunyai hak untuk menukar hadiah dengan hadiah yang sama nilai atas budi bicara Tunggal dan mutlaknyanya. Pihak penganjur tidak akan bertanggungjawab terhadap hadiah yang rosak atau penyalahgunaan mana-mana hadiah, atau tuntutan, liabiliti, kerugian atau kerosakan yang timbul daripada atau berkaitan dengan Kempen ini.

6.4 Hadiah adalah tertakluk kepada terma dan syarat yang ditetapkan oleh pihak penganjur (jika berkaitan). Setakat yang dibenarkan oleh undang-undang, pihak

penganjur dan ejennya tidak bertanggungjawab terhadap semua liabiliti, kerugian dan kerosakan yang timbul daripada sebarang penangguhan, pembatalan, kelewatan atau perubahan kepada butir-butir hadiah atau apa-apa keadaan yang tidak diduga di luar kawalan yang munasabah oleh pihak penganjur.

- 6.5 Pihak Penganjur tidak akan bertanggungjawab dan/atau menanggung segala kos pengangkutan yang berkaitan dengan penebusan dan/atau penyerahan hadiah. Apa-apa kos tambahan, duti, cukai dan/atau perbelanjaan sampingan atau caj yang dikenakan berkaitan dengan penebusan hadiah adalah ditanggung sepenuhnya oleh pemenang.
- 6.6 Pihak penganjur tidak akan bertanggungjawab atas sebarang liabiliti untuk hadiah/produk/baucar dan secara nyata mengecualikan dan menolak sebarang kenyataan, waranti atau pengesahan, tersirat atau bertulis atau lisan, mengenai produk/baucar/e-baucar ditawarkan di bawah Kempen ini, termasuk tetapi tidak terhad kepada jaminan kualiti, kebolehdagangan, kesesuaian untuk tujuan atau kegunaan tertentu, kesihatan dan keselamatan. Hadiah/ produk / baucar / e-baucar yang ditawarkan oleh pemilik jenama di bawah terma dan syarat seperti yang ditentukan oleh pemilik jenama. Sebarang pertikaian yang timbul daripada atau berkaitan dengan hadiah/ produk/ baucar/ e-baucar yang ditawarkan oleh pemilik jenama hendaklah diselesaikan oleh pengguna secara terus dengan pemilik jenama.
- 6.7 Semua Keputusan yang dibuat oleh pihak penganjur berhubung dengan Peraduan termasuk tetapi tidak terhad kepada senarai Pemenang dan hadiah adalah muktamad, konklusif dan mengikat. Sebarang surat-menyurat, pertanyaan, rayuan atau bantahan daripada Peserta tidak akan dilayan.

### **7. Hak Penganjur, Liabiliti Dan Tanggung Jawab**

- 7.1 Dengan menyertai Peraduan ini, Peserta memberikan kebenaran kepada pihak penganjur dan PayNet untuk menggunakan, menyiarkan atau memaparkan nama-nama dan gambar-gambar Peserta/Pemenang (jika ada) bagi tujuan pengiklanan, pemasaran, publisiti dan apa jua tujuan lain di dalam apa jua saluran penerbitan, pengedaran atau paparan, tanpa sebarang notis terlebih dahulu atau bayaran pampasan kepada Pemenang/Peserta. Pemenang/Peserta tidak mempunyai hak untuk membuat tuntutan hak milik atau lain-lain pampasan terhadap material tersebut.
- 7.2 Pihak Penganjur berhak, mengikut budi bicara mutlaknyanya, untuk membatalkan kelayakan mana-mana Peserta dan/atau penyertaan yang didapati atau disyaki menipu / menggodam/ menyalahgunakan proses penghantaran Peraduan, operasi

Peraduan atau melanggar mana-mana Terma dan syarat Peraduan ini dan pihak Penganjur berhak untuk melakukan Tindakan undang-undang terhadap mana-mana individu yang diyakini telah melakukan aktiviti penipuan atau aktiviti lain yang memudaratkan Peraduan.

7.3 Pihak Penganjur dan PayNet berhak untuk meminda terma dan Syarat Peraduan pada bila-bila masa mengikut budi bicara mutlakanya.

7.4 Dengan menyertai Peraduan ini, Peserta memberi kebenaran kepada pihak Penganjur atau mana-mana pihak ketiga yang dilantik oleh pihak Penganjur untuk memproses data peribadi Peserta yang diberikan untuk tujuan Peraduan.

## **8. Perlindungan Data**

8.1 Pihak Penganjur akan mengambil langkah berjaga-jaga yang munasabah untuk menyimpan Data Peribadi Peserta dengan selamat, dan memerlukan pemprosesan data daripada pihak ketiga untuk melakukan perkara yang sama. Bagaimanapun, pihak Penganjur boleh mendedahkan Data Peribadi Peserta jika dikehendaki oleh undang-undang, waran geledah, sepina atau perintah mahkamah.

8.2 Apa-apa perkara berkaitan Data Peribadi yang berhubung kait dengan Peraduan ini akan ditadbir dan diuruskan mengikut Akta Perlindungan Data Peribadi 2010 dan apa-apa undang-undang yang berkaitan di Malaysia.